



Inatsisartuni ilaasortaq, Jess Svane, Siumut

Kalaallit Nunaata avannaani aalisarfinni angisuuni umiarsualiviit pitsanngor-sarneqarnissaannut qanoq pilersaaruteqartoqarnersoq pillugu § 37 naapertorlugu apeqqummut nr. 2015-229-mut akissut

Brevdato: 22-09-2015
Sags nr. 2015-9053
Dok. nr. 1136519

Asasara Jess Svane.

Postboks 909
3900 Nuuk
Tlf.: (+299) 34 50 00
Fax: (+299) 32 52 86
E-mail: isan@nanoq.gl
www.naalakkersuisut.gl

Kalaallit Nunaata avannaani aalisarfinni angisuuni umiarsualiviit pitsanngorsarneqarnissaannut qanoq pilersaaruteqartoqarnersoq pillugu apeqquinnut, Inatsisartut suleriaasianni § 37 naapertorlugu nassiussannut qujanaq.

Illoqarfiit nunaqarfiillu killeqarfiisa iluini umiarsualivinnik aserfallatsaaliuinissaq iluarsaassinissarlunni eqqarsaatigalugit suliaasaq nunap immikkoortuini aserfallatsaaliuinissamut suliniutit iluini aqqjissuussaavoq, tassani nuna immikkoortunut tallimanut avinneqarsimalluni. Suliniutit 2010-imi ingerlanneqalerput, tassalu piffissami suliffiusumi ataatsimi nunap immikkoortuani ataatsimi qanoq issutsimik nalunaarsuisoqartarpoq, piffissami suliffiusumi tullermi iluarsaassisoqartarluni. Sulianit kaaviiartunit siulleq naammassereerpoq, tassanilu umiarsualiviit ilusiligaanerat sannaalu nammattut immikkut aallunneqarput.

Ukioq manna Qeqertarsuup Tunuani – Attumiit Saqqamut – qanoq issutsimik nalunaarsuisoqarpoq, taamaattumillu sumiiffiit taakku 2016-imi iluarsaanneqassapput. Taakkununga Kangaatsiaq ilaavoq, tassanilu sapusiaq iluarsaanneqassaaq.

Qeqertarsuup Tunuani iluarsaassinerup peqatigisaanik avannaata immikkoortua – Nuussuup qeqertaasartaata avannarpasinnerusortaanit Kullorsuarmut – qanoq issutsimik nalunaarsuisoqassaaq ukiumilu tulluuttumi iluarsaassisoqassalluni. Taakkununga Ummannaq ilaavoq.

Talittarfiup atuuffissani naammassisinnaangikkaa, imaluunniit talittarfik tassangaannartumik ajoqusernissamut ulorianartorsiortoq naliliisoqassappat, nunap immikkoortuini aserfallatsaaliuinissamut suliniutit avataanni sanaartugassanik aallartitsisoqarsinnaassaaq.

Neriuppunga matuma siuliani apeqqutitit akisimassallugit.

Inussiarnersumik inuulluaqqusillunga

Knud Kristiansen